庫全書

子部

子部 太平廣記卷四百九十四至

詳校官中書臣潘有為 檢討臣何思釣覆勘 總校官進士臣楊懋珩

校對官學正臣吳 騰録監生臣王寶唐

垣

四庫全書 雜録 吕大 班景倩 記卷四百九十四 崔思兢 許誠言 白履忠 薛令之 元晶 宋 李昉等 夜明簾 崔湜 杜豐 王琚 編

好定正库全書 庭當送親故之葬出鼎門際晚且鐵會駕餅者與同 行數人食之素不持錢無以酬值鬻者逼之光庭命就 庭且所犯非大故得不納之耶若擒以送官居廟堂者 郎官何為匿此人曰光庭與薛昭有舊以途窮而歸光 既敗御史陸遭逸逼之急光庭懼乃見時宰時军曰公 房光庭為尚書郎故人薛昭流放而投光庭光庭匿之 何以待光庭時宰義之乃出為慈州刺史無他累光 房光庭 · 東四百九十四

梅 按之告者先誘藏宣家妄而云妄將發其謀宣乃殺之 在思放則天朝或告其再從兄宣謀反付御史張行发 初則天曰崔宣反狀分明汝寬縱之我今俊臣勘汝 隨取值時人賞其放逸出 行发口臣推事不若俊臣陛下委臣須實狀若順古 尸于洛水行发按略無狀則天怒令重按行发奏如 取直點者不從光庭曰與你官銜我右臺御史也可 崔思兢 大牛養 恕 册

見其人至臺略閣人以通于告者告者遂稱云崔家顏 婺州人言行無缺為宣家服役宣委之同于子弟須臾 夢匿妾者數日略無所聞而其家每竊議事則告者朝 金号电影人 匹顧刺客殺告者而侵晨伏于臺前宣家有館客姓舒 知之思兢揣家中有同謀者乃伴謂宣妻曰須絹三百 妄族人豈法官所守臣必以為陛下試臣爾則天厲色 行发懼逼宣家令訪妄思兢乃于中橋南北多置錢帛 回崔宣若實曾殺妾及狀自然明矣不獲妾如何自雪 卷四百九十四

破家必引汝同謀何路自雪汝幸能出崔家妾我遺汝 梅謝乃引思就于告者之家搜獲其妾宣乃得免点計 唐崔湜弱冠進士登科不十年掌貢舉遷兵部父楫亦 五百絲歸鄉足成百年之業不然則亦殺汝必矣其人 一到天津稿料其無由至臺乃罵之曰無賴險僚崔家 刺我請以聞臺中驚憂思兢素重館客不知疑密隨 100 往是 太平意记

今户部于牆字自野棘以備銓院之交通太一答曰眷 日太一為户部員外郎户部與吏部鄰司告吏部移牒 效此位可得其年不可及也此新林 麗當暮出端門下天津橋馬上自吟春遊上林苑花滿 始三十六崔之初執政也方二十七容止端雅文詞清 嘗為禮部至是父子累日同省為侍郎後三登軍輔年 金ケでたとう 洛陽城張說者為工部侍郎望之告然而數曰此句可 吕太 卷四百九十四

賞其清俊出 鞭之修微典口小人主修欲耳如牆垣不固姓牢破壞 許誠言為瑯邪太守有囚縊死獄中乃執去年修獄典 彼吏部銓總之司當須簡要清同何必緊羅種棘省中 微典何罪誠言猶怒曰汝胥吏舉動自合答又何訴 闎 自中出猶以修治日月久可於免况因自縊而終修 許誠言 把御 史

免员四库全書 逃于妻即林下許稱賜死其家哭之賴妻兄張摶為御 驚而出謂刺史曰聖王封嶽祈福祚延長此棺器者誰 造棺器三十枚真行宫诸官以為不可豐曰車駕今過 齊州歷城縣令杜豐開元十五年東封泰山豐供頓乃 六宫偕行忽暴死者求棺如何可得若事不預備其悔 之所造且将何施何不祥之甚将奏聞刺史令求豐豐 可追乎及置頓使入行官見棺木陳于幕下光彩赫然 杜豐

羊肉煮而食之取死藥竟不能為患而愈肥告人云非 勢豆鍾曰御馬至多臨日煮栗恐不可給不如先辨乃 開元二十九年二月修武縣人嫁女婿家迎婦車隨之 此父不生此子出紀 以錢煮栗豆二千餘石納于害中乘其熱封之及供頓 史解之乃得已豐子鍾告為兖州參軍都督令掌殿馬 取之皆臭敗矣乃走猶懼不免命從者市半夏半升和 修武縣民 聞

金云四雄 全書 多宿凌晨啓門門外有婦人裸形斷舌陰中血皆淋漓 象土之怪墳羊吾此居近太行怪物所生也将非山精 諸生謂曰吾間夫子曰木石之怪夔魍魎水之怪龍問 生問之女啓齒流血不能言生告其師師出户觀之集 從在車後百步外行忽有二人出于草中一人牽馬 女之父懼村人之障車也借俊馬令乘之女之弟乘驢 之一夕不能得去女家一舍村中有小學時夜學生徒 人自後驅之走其弟追之不及遂白其父父與親眷尋 表四百九十四

以琮雖儒者則前執而剝之給曰太守怒汝衙遲使我 狡猾者也既出屏適會博士劉琮雖後至將入衙承明 李元晶為沂州刺史怒司功都承明命剝之屏外承明 執儒及弟子請縣縣丞盧峰訊之實殺馬乃白于郡笞 擊之竟死及明乃非魅也俄而女家尋求至而見之乃 儒生及弟子死者三人而切竟不得出紀 野魅乎盖擊之于是投以博石女既斷舌不能言諸生 李元皛

意樂忘返與其徒十數人機倦甚因休息村中大樹之 **發定匹庫全書** 玄宗在藩邸時每遊戲于城南韋杜之間當因逐狡兔 知為承明所賣竟無言遂入户出紀 遂杖之數十馬琛避起謝曰蒙恩賜杖請示罪名元皛 卒擒琮璡以入承明乃逃元皛見剝至不知是琮璡也 顉 下適有書生延帝過其家其家甚貧止村妻一驢而戶 取汝令便剝將來琮雖以為然遂解衣承明目吏 王琚 巻四百九十四 李適之入仕不歷及簿便為別駕不歷两畿官便為京 黎馬出開天 帝遂納据之謀戡定內難累拜据為中書侍郎實預 幸杜問必過据家据所語議合帝意帝日益親善及韋 奇之及器字磊落不凡問其姓乃王琚也自是帝每遊 氏專制帝憂甚獨密言于琚琚口亂則殺之又何親也 帝坐未久書生殺驢煮林備膳饌酒肉滂沛帝顧而甚 李適之

運鄉授朝散大夫鄉人謂履忠曰吾子家貧竟不霑 書籍縣司放免至今惶愧雖不得禄賜且是五品家終 然曰往歲契丹入冠家家盡署排門夫履忠特以讀 斗米一匹帛雖得五品止是空名何益于實也履忠於 白履忠博涉文史隱居梁城王志愔楊瑒皆薦之尋請 一致是四库全書 宰相不感刺史便為節度使出獨 兆尹不歷御史及中丞便為大夫不歷两省給舎便為 白履忠 卷四百九十四

之宜以劇地崇口丞相得罪未宜太逼林甫又曰公必 說未之知會吏報午後三刻說乘馬先歸崇急呼御史 姚崇為相當對于便殿舉左足不甚輕利上曰即有足 身高即免有徭役不易得之也實錄 百言上怒曰卿歸中書宜宣與御史中及共按其事而 巫李林甫以前詔付之林甫謂崇曰說多智是必困 耶崇口臣有心腹疾非足疾也因前奏張說罪狀數 夜明簾 大手裁巴

最龍者會擒得好狀以聞于說說怒甚將窮獄于京兆 子公何靳子一婢女耶說奇其言而釋之兼以侍兒與 墜告說未遭崇奏前旬月家有教授書生通于說侍兒 歸書生一 書生屬聲言曰觀色不能禁亦人之常情緩急有用人 不忍即說當無害林甫止將詔付于御史臺中路以馬 國所構外微將具公不知之危將至矣某願得公平 面言曰某感公之恩思有以報者久矣今聞公為姚 一去數月餘無所聞知忽一日直訪于說憂色

金少口正

1:11

卷四百 九十四

所實者書生皆云未足解公之難又凝思久之忽曰近 耶 書生具以說事言兼用夜明簾為贄且謂主曰上獨不 說手札數行懸以情言遂急超出建夜始及九公主第 者有雞林郡以夜明簾為寄者書生曰吾事濟矣因請 生所寶者用計于九公主可能立釋之說因自歷指 念在東宫時思必始春恩加于張丞相矣而今反用讒 史臺宣前所按事並宜能之書生亦不復再見矣出 明早公主上謁具為奏之上感動因急命高力士就 七千萬日

開 遷 皆薄具外 金岁口屋 台言 録窗 塵謂緣吏曰班公是行何異登仙乎為之 水為郡守西郊威設祖席宴罷景情登舟若水望 班景倩自楊州採訪使入為大理少卿 元中朝廷選用摩官必推精當文物既盛英賢出 默然良久方整回駕既而為詩投 班景倩 任雖雄藩大府由中朝完員而授時以為 卷四百九十 相 府 路由大梁倪 以道 賜殿良所 1其、誠 其 左

暖令之因此引疾東歸肅宗即位詔徵之已卒出閩 之口啄木嘴距長鳳凰毛羽短岩嫌松桂寒任逐桑榆 寬只可謀朝夕何由度歲寒上因幸東官見馬索筆 生盤盤中何所有皆精上闌干舒流匙難館羹稀著易 時官僚間淡以詩自悼書于壁曰朝日上團團照見先 神龍二年間長溪人降令之登第開元中為東官侍讀 其詞為當時所稱賞 辟令之 録明

| 太平廣記卷四百九十四 | | | 銀定四库全書 |
|------------|--|--|--------|
| 於四 | | | |
| 九十四 | | | 泰四百九十四 |
| | | | |
| | | | |

欽定四庫全書 太平廣記卷四百九十五 雜 宇文融 裝信 高力士 豆穀 蕭嵩 録 李抱真 潤州樓 哥舒翰 陳懷卿 王維 宋 李助等 崔隐甫 史思明 楊志堅 鄒風熾 邱為 編

銀定四库全書 經常從五舉制策三等授夏縣尉自前明經至吏部侍 即幾十年自吏部員外至侍郎只七箇月出 亦重言其罪但目從愿為多田翁從愿少家相州應明 重亦倚為相者數矣而又族望官婚服盛於一時故帝 誣諧密奏以為盧從愿廣置田園有地數百項帝素器 玄宗命宇文融為括田使融方恣雎稍不附已 者必加 哥舒翰 宇文融 卷四百九十 五 録明皇

鄙人歌之曰北斗七星高哥舒夜帶刀吐蕃總殺盡更 天寶中哥舒翰為安西節度控地數千里甚者威令故西 知翰至懼求國忠拔用國忠乃除擢兼御史大夫充飯南 策两重豪時差都兵馬使張擢上都奏事值楊國忠 而殺之然後奏聞帝却賜擢尸更令翰决尸一百出乾 西川節度使敢下就第解翰翰命部下掉于庭數其事杖 專權贖貨擢逗遛不返因納賄交結翰續又朝奏擢 崔隱甫

金方四戶全一 遂令曳出至門外立杖殺之俄而復敢釋已死矣乃賜 梨園弟子有胡雞善吹笛尤承恩 當把洛陽令崔隱甫 女宗當是重蘇題欲倚以為相禮遇顧問與羣臣特異 隱南絹百匹出國 重樂人也臣請休官再拜而去玄宗遽曰朕與鄉戲也 側指曰就卿乞此得否隱甫對曰陛下此言是輕臣而 已而走入禁中玄宗非時託以他事召隱甫對胡離在 蕭嵩 卷四百九十

前席以觀唯改日國之珍寶他無更易嵩既退上擲 草于地曰虚有其表耳出故有是名左右失災上間遽 認訪於侍臣曰外庭值宿誰遂命東燭召來至則中書 欲命相前一日上秘密不欲令左右知迫夜艾乃令草 汗筆不能下者久之上以嵩杼思移時必當精密不覺 父名卿為刊削之上乃命撒帳中屏風與嵩嵩點懼流 舍人蕭嵩上 ういいい 一即以賴姓名授嵩令草制書既成其詞曰

陳懷卿嶺南人也養鴨百餘頭後于鴨欄中除糞番 戲耳其默識神覧皆此類也 金少正屋生 起掩其口曰嵩雖才藝非長人臣之貴亦無與比前言 巨富仕至梧州刺史 舍後山足下土中有麩金消得数千斤時人莫知鄉添 有光爛然試以盆水沙汰之得金十两乃現所食處下 陳懷卿 鄒鳳熾)出朝野 卷四百九十五 雜出 録明皇

矣又當謁見高宗請市終南山中樹估絹一匹自云山 擬供帳備極華麗及女即将出侍婢圍遠綺羅珠翌 **蚁曳履尤艷麗者至数百人聚皆愕然不知孰是新婦** 猗白不是過也其家男女婢僕錦衣玉食服用器物皆 駱駝時人號為鄒駱駝其家巨富金寶不可勝計常與 朝貴遊邸店園宅遍淌海內四方物盡為所收雖古之 西京懷德坊南門之東有富商都鳳熾看高背曲有似 時驚異當因嫁女邀諸朝士往臨禮席實容数千

為王老盛流于時矣出西 謔出入里市為人所知人以為錢文有元寶字因呼錢 今急召王元寶問之元寶曰見一白物横在山頂不辨 金定正正全章 含元殿望南山見一白龍横亘山間問左右皆言不見 瓜州會赦還及卒子孫窮匱又有王元寶者年老好戲 樹雖盡臣絹未竭事雖不行終為天下所誦後犯事流 一匹繫陛下南山樹南山樹盡臣絹未窮又玄宗御 說玄宗當召王元寶問其家私多少對曰臣請以 卷四百九十五

唱血而死 雅録皇 終不改其後會赦歸至武溪道遇開元中羽林軍士坐 事謫嶺南停車訪舊方知上皇已厭世力士北望號泣 為詩寄意两京五斤賣五溪無人採夷夏雖有殊氣味 高力士既譴于巫山州 谷多薺而人不食力士感之因 可敵貴朕天下之貴元實天下之富故見耳其志獨 其狀左右貴臣啓曰何故臣等不見玄宗曰我聞至富 ĭ 高カ士 大平馬戸 Ł

樂既作梨園舊人不覺敵戲相對这下犀逆皆露刃持 訪頗切于旬日獲梨園弟子數百人羣賊因相與大會 谷者而卒能羅捕追脅授以冠帶禄山尤致意樂工求 騎士每獲數百人以兵仗嚴衛送于維陽至有逃于山 于疑碧池宴偽官數十人大陳御庫珍寶羅列于前後 天寶末羣賊陥两京大掠文武朝臣及黄門宫嬪樂工 金少正屋全意 王維

清以脅之而悲不能已有樂工雷海清者投樂獨于地

疑碧池頭奏管紋出明皇 一萬戸傷心生野烟百官何日更朝天秋槐葉落空宫裡 欲寄遺之因作詩同去詩云櫻桃一龍子半己赤半日 者莫不傷痛王維為賊拘於菩提佛寺中聞之賦詩 安禄山敗史思明繼逆至東都遇樓挑熟其子在河北 西向慟哭逆黨乃縛海清於戲馬殿支解以示衆聞之 -與懷王一半與周至詩成左右贊美之皆曰明 史思明 八片看中

傅也田錄 韻稍稳思明大怒曰我兒豈可居周至之下思明長驅 尚得至東都而爾何虽也思明子偽封懷王周至即 至永寧縣為其子朝義所殺思明曰爾殺我太早禄山 至德初安史之亂河東大饑荒地十五里生豆穀一 公此詩大佳若能言一半周至一半懷王即與黃字聲 而復生約得五六千石其實甚圓細美人皆賴此活 豆穀 卷四百九十五

金好口屋全世

使當居此州其時畫日烟出刺史皆憂懼狼狼愁情 更密伺之就視其烟乃出於樓角隙中更近而視之 不死即貶開元已前以潤州為店闕董琬為江東採訪 死乾元中忽然又畫日烟出圓可一尺餘直上數丈 出傳 州城南隅有樓名萬歲樓俗傳樓上烟出刺史即死 也樓下有井井中無水黑而且深小虫蠛蠓蛛 州樓

金吳匹屋全書 請于觀察使韓滉滉以為授官致仕本不理務特令給 邱為致仕還鄉特給禄俸之半既丁母丧州郡疑所給 烟以手攬之即蚊蚋耳從此知非刺史亦無慮矣此辨 之類色黑而小每晚晴出自于隙中作團而上遥看類 禄以恩養老臣不可以在喪為義命仍舊給之唯春秋 時羊酒之直則不給雖程式無文見稱折衷出談 裴佶 邱為 卷四百九十五

地道通連俟火作既潛以僧出僧喜從之遂陳状 信服抱貞因請之曰假和尚之道以濟軍中可乎僧曰 補史 李抱貞鎮潞州軍資匮缺計無所為有老僧大為郡人 出稱甘草門兵曰此數子必非人奴如甘草不疑也 ,此既亂裝信與衣冠數人伴為奴求出城信稅寢自 不可抱貞曰但言擇日鞠場焚身謀當于使完鑿 ĭ 李抱貞

所謂舍利者數十粒造瑜貯馬出尚書 頃之際僧薪並灰數日籍所得貨財養入軍資庫別求 **柴積灌油發焰擊鐘念佛抱貞密已遣人填塞地道俄** 檀施堆於其旁由是士女駢填捨財億計滿七日遂送 對眾說法抱貞率監軍僚屬及將吏膜拜其下以俸 明雜作抱貞亦引僧入地道使之不疑僧乃升壇執爐 抱貞命于鞠場積新貯油因為七日道場晝夜香燈村 金八旦屋全言 楊志堅 卷四百九十五

遇曾不少留靡追冀缺之妻赞成好事專學買臣之婦 畫眉此去便同行路客相逢即是下山時其妻持詩請 之曰當年立志早從師今日都成鬢有經落托自知求 州公牒以求別適真鄉判其情曰楊志堅早親儒教 **負詩名心雖慕夫高科身未霑于寸禄愚妻親其未** 事晚蹉跎甘道出身遲金似任意擦新髮鸞鏡從他別 人未之知也其妻以資給不充索書求離志堅以詩送 顔真卿為撫州刺史邑人有楊志堅者嗜學而居貧鄉 太平海汜

可笞二十任自改嫁楊志堅秀才的栗帛仍署随軍 金少世屋と言 議遠 厭棄良人污辱鄉間傷敗風教若無懲誡孰過浮置宴 間之無不怕服自是江表婦人無敢奪其夫者與友 太平廣記卷四百九十五 卷四百 九十五

欽定四庫全書 太平廣記卷四百九十六 雜録 吕 子 吳 韋 趙 八 秦 奉 存 邢 東 陸 嚴 署 牙 李章武 宋 盧杷 李助等 編

|及為馮翊太守恭軍等多名族子弟以象先性仁厚於是 多定四库全書 梁百歲之後吾固當與汝等萬一有罪福吾則分數勝汝 陸象先言充公之量固非凡可以測度充公崇信內典弟 景融竊非曰家兄弱此教何利乎象先曰若果無真道津 精九之樂體甚輕健自云父諱君東亦享遐壽當事充公 馮朔之東窟谷有隱士趙存者元和十四年 壽逾九十服 于頔 趙存 薛尚衍 卷四百九十六

之費其二祭軍便為之象先亦如不見皆賽所賭以為戲 與府察共約戲賭一人口我能旋笏于廳前硬努眼眶斷 女人梳推學新嫁女拜舅姑四拜則如之何衆曰如此不 笑其第三恭軍又曰爾之所為絕易吾能于使君聽前作 能於使君聽前墨塗其面着衫子作神舞一曲慢趨而 揖使君唱喏而出可乎衆皆曰誠如是其輸酒食一席其 出屋察皆曰不可誠敢如此吾輩當飲俸錢五千為所輸 人便為之象先視之如不見又一祭軍曰爾所為全易吾

敏克匹库全書 具我豈為笑哉初房琯當尉馮翊象先下孔目官党芬于 汝何處人芬曰馮翊人又問房琯何處官人芬曰馮翊尉 廣衢相遇避馬遲琯拽芬下决眷數十下芬訴之象先曰 象先日馮湖尉次馮翊百姓告我何也琯又入見訴其事 史今乃成天下笑具象先徐語景融曰是渠祭軍兒等笑 深拜四拜象先又不以為怪景融大怒曰家兄為三輔刺 所輸之費其第三祭軍遂施粉黛高髻笄釵女人衣疾入 可仁者一怒必遭叱辱倘敢為之吾輩願出俸錢十千充 卷四百 九十六

事不欠只欠不言今則不言矣是以為用之班行問大 到關薦為監察御史何哉公曰汝不自解房琯為人 在馮翊兄全不知之今别四五年因途次會不交一詞 交一言到闕日薦暗為監察御史景融又曰比年房暗 鄉值象先自江東徵入次関鄉日中遇暗留追至昏黑 請去官象先日如党券所犯打亦得不打亦得官人打 **琯不敢言忽謂珍曰携象禍來可以實話珍從之竟不** 了去亦得不去亦得後數年琯為弘農湖城令枝攝関 Cこうえ これ 太平廣汜 百

何勸吾怯情金帛且此人不辨向吾乞三百十的非凡 不足應之震怒曰爾必墜吾門只可勸吾力行善事 弼等問之公弼曰此誠不可旨輒如此乃患風耳大人 嚴震鎮山南有一人乞錢三百十去就過活震召子 インド・ヒェルノニーモ 上失 胜 升 在數與之於是三川之士歸心恐後亦無造 嚴震 卷四百九十六

家有第一人李揆公是否揆曰非也他那李揆争肯到 盧把為相令季換入酱換對德宗曰臣不憚遠恐死干 Pこうえ /エラ 道路不達君命帝惻然憫之謂盧曰李揆莫老無犯曰 此恐為拘留以慢之也揆門戶第一文學第一官職第 和我之使且須語練朝廷事非挨不可且使換去則尋 臣少于接年者不敢辭遠使矣挨既至蕃蕃長曰間唐 揆致仕歸東都司徒杜佑羅淮海入洛見之言及第 盧杷 太平廣記

録話 是內附者富贈之遠遊者將迎之極其賦飲坐有餘力 章舉在西川凡軍上將吏有婚嫁則以熟錦衣給其夫 氏以銀泥衣給其女氏各給錢一萬死丧稱是訓練稱 遇耳今形骸凋悴看即下世一切為空何第一之有, 之說換曰若道門戶門戶有所自承餘裕也官職遭 故軍府盛而黎叱重因及晚年為月進終致劉闢之 韋舉 卷四百 九十六 嘉出

武也後陸暢復為蜀道易曰蜀道易易於履平地暢安 云臣在蜀日見造所進兵器定秦者匠名也由是得釋 器刻定秦二字不相與者因欲構成罪名暢上疏理之 章星也初暢受知於皐乃為蜀道易獻之皐大喜贈羅 李白皆為蜀道難歌曰蜀道難難於上青天白以刺嚴 へん ラシーニュー 亂天下幾之出國 八百疋及韋薨朝廷欲繩其既往之事復閱先所進兵 陸暢 大戶再巴

故實書 當見頗怪之合中使就封杏樹暢懼進完廢為奉誠園 馬燧之子暢以第中大古饋實文場以進德宗德宗未 德宗非時召拜吳湊為京兆尹便令赴上湊疾驅諸客 屋木皆拆入内出 金罗巴尼人 至府已列筵矣或問曰何速吏曰两市日有禮席 吳湊 馬暢 補國 老四百九十六

史出補國 袁修之破袁晁擒其偽公卿數十人州縣大具桎梏謂 必生致關下像曰此惡百姓何足煩人乃遣笞屬逐之 故 釜而取之故三百人饌常可立辨出國 人置勉名位極于其龍或發以告勉勉曰為父禳災是 相李勉任江西觀察使時部人有父病盡乃為木偶 5 李勉 袁傪 大平野巴 ÷

力者能子實録 心搖動矣以文吏之才當虎狼之燧乃全師南奔非量 罰也別應變非長援軍不至又其時關輔已做擾矣人 然當李希烈之怙亂其鋒不可當天方厚其罪而降之 祗謁寢園鐘簾不移廟貌如故上感涕失聲左右六宫 李晟平朱泚之亂德宗覽收城露布曰臣已肅清宫禁 金文中戶生言 亦可於也捨之或曰李勉失守梁城亦宜貶點議曰不 于公異 卷四百九十六

元貞初邢君牙為隴右臨洮節度進士劉師老許堯佐 往謁馬二客方坐一人儀形甚異頭大足短衣麻衣而 無如此者公異後為陸贄所忌誣以家行不謹賜孝經 皆嗚咽露布乃于公異之辭也議者以朝廷捷書露布 卷故坎坷而終此國 不敢拜君牙從戎多年殊不以為怪乃揖汾曾不顧 不待賓司引報直入見君牙拱手于額曰進士張 邢君牙 太平萧 記

常用二十貫文皆出往還剱南章二十三徐州張十三 日于汾前與設吏論三五十千錢此漢爭中君牙甚 對日汾在京之日每間京西有那君上柱天下柱地今 今分折去處分乃拂衣而起日具奉解君牙謝日某適有 |堯佐師老汾坐俄而有吏過接宴設司所失錢物君牙 怪便放設吏與汾相親汾謂君牙曰某在京應舉每年 閱歷簿書有五十餘千散落為所由隱漏君牙大怒方 公事略須次遣來有所失于君子不知遽告解何也汾

四川哀其龍鍾奏充安撫巡官仍攝廣都縣令一年 連月餘贈五百練汾却至武功堯佐方臥病在館汾都 須煮鷄豚或生或鱠既而指師老竟佐云如舉子此公 二客告辭而退君牙各贈五練張汾洒掃內廳安置留 展出 子乾)徒遠相訪即階胡而已何不如此耶堯佐矍然逡巡 こううしょう 相揖後二年及第又不肯選遂患腰脚疾武元衛鎮 日之内客有數等上至給舍即須法味中至補遺 太平廣記 節 中丞亦不可元曆乃歸及明程為大職此國 呂元曆為鄂岳團練夜登城女墙已鎖守者曰軍法夜 舊遊豈宜斬伐乃止出國 行牒華陰華尉張造判牒曰召伯所想尚不翦除先皇 不可開乃告之日中丞自登守者又曰夜中不辨是非 貞元中度支欲取两京道中槐樹為新更栽小樹先下 張造 呂元膺 卷四百九十六

去必萬雲水畔何山松柏不青青主者免之事詩 李章武學識好古有名于時唐太和末敕僧尼試經光 **元稹為御史奉使東川于襄城題黃明府詩其序云昔** 干紙不通者勒還俗章武時為成都少尹有山僧來謁 云禪觀有年未當念經今被追試前業棄矣願長者念 章武贈詩日南宗向許通方便何處心中更有經好 李章武 元稹

後問人 金丁正月 全章 之逃席黄丞也說向事黃生惘然而悟因饋酒一尊縣 有黄明府見近瞻其形容彷彿以識問其前衙即暴日 奉使東川十六日至泉城望驛有大池樓榭甚盛逡巡 年曾于解縣飲酒余恒為脫録事當于實少府應有 人後至頻犯語令連飛十數就不勝其因逃席而去醒 邀余同載余時在諸萬所征之路次不勝感今懷古 作贈黃明府詩云昔年曾痛飲黄令困飛觥席上 人前虞卿黄丞也此後絕不復知元和四年三月 卷四百几十

遠他鄉眼暫明便邀聯楊坐兼共刺船行酒思臨風亂 日兩見以游客遇之牛怒而去去後忽召客將問日累 **吃數文城花疑褒女笑棧想武侯征一種埋幽石老閒** 霜核拂地平不堪深淺酌還常古今情還迎七盤路坡 時走馬前今日迎依稀迷姓字即漸識平生故友身皆 載名事詩 一僧孺應舉時知于頔奇俊特詣襄陽求知住 于頔 <u>ز</u> ٤ t

回战幽朋 領來如已出界即以書付小将界外追及牛不拆書 金少少人在書 日前有牛秀才發未曰已去何以贈之曰與錢五百受 初不厚待尚行晏如也後旬日請出遊及暮歸 頔方熾於襄陽朝廷以大閣薛尚行監其軍尚行至 者立命小将齊絹五百疋書 曰擲於庭而去于大怒謂實佐曰某事繁總益有關 薛尚衍 卷四百 九十六 一函追之曰未出界即

行領之亦不言明歎曰是何祥也此補 幕茵毯什器一以新矣又列犢車五十乗實以絲綾尚

| 太平廣記 | | 一部 定 匹 库全 書 |
|------------|--|-------------|
| 太平廣記卷四百九十六 | | 卷四百九十六 |
| | | |

欽定四庫全書 太平廣記卷四百九十七 雜 李益 張薦江西驛官 高逞 脂粉錢 録 蓮花漏 呂元膺 吳武陵章執誼 宋 李昉等 幸乾度 唐衢 周愿 王鍔 編

呂元曆為東都留守常與處士對基卷次有文簿班摊 都定四庫全書 元醇方東筆閱覽基侶謂呂必不顧局矣因私易一子 集焚之何也答曰王言不可存于私家出國 高逞為中書舍人九年家無制草或問目前輩皆有制 滕邁 趙宗儒 高逞 呂元膺 席夔 卷四百九十七 劉禹錫

子亦未足介意但心跡可畏亟言之即慮其憂懾終不 泓師云長安:永寧坊東南是金盞地安邑里西是玉蓋 言又恐汝軍滅裂于知聞言畢問然長逝出送 許呂寝疾將鱼兒姓前列呂曰遊處交友爾宜精擇吾 フ・リーニ ニーデ 為東都留守有一春者云云吾以他事俾去易一看基 適內外人莫測碁者亦不安乃以東帛購之如是十年 以自勝呂輒已窺之而碁侶不悟翼日呂請碁處士他 太平廣記

晉必引頸望之宅竟為僧孺所得李後為梁新所有出爐氏 晋宅晋自辨岡阜形勢以其宅當出宰相後母年命相有按 杯一破無復可全金被或復展可再製牛完本將作大近康 又一說李吉甫安邑宅及牛僧孺新昌宅泓師號李宅為玉 破而成馬馬燧為奉誠園所為玉盞破而不完也 進入官王宅累賜韓弘正史憲誠李載義等所謂金盞 地後永寧為王鍔宅安邑為北平王馬燧宅後王馬皆 金牙口匠人言 江西驛官 卷四百

復有神問何神也曰蔡伯哈刺史大笑曰君誤矣出 康刺史曰功有餘也又一室曰茶庫諸若畢貯復有 江西有驛官以幹事自任白刺史驛已理請 何也曰陸鴻漸刺史益喜又 ĭ 舒為郎官與馬逢友善母責逢日貧不可堪何不 誌相救逢曰適見誰家走馬呼毉吾可待也史出 室為酒庫諸臨畢熟其外畫神問曰何也曰杜 王仲舒 大平廣记 室曰殖庫諸如果備 一関之 補國 補國

云愛宣州觀察使怕天蟲此傳 者或言愛圖畫及博弈或怕妄與佞工部員外周愿獨 金少正居全書 張薦自並仕至松書監常帶使職三入蕃殁于亦嶺此傳 元和中郎吏數人省中縱酒話平生各有 爱尚及僧怕 僧僧澈得蓮花漏于盧山傳之江西觀察使韋丹 蓮花漏 張薦 周愿 J. 是四百九十

軍 遇 進士唐衛有文學老而無成善哭每發一聲音調哀切 雖冬夏短長雲陰月黑無所差也出 惠遠以山中不知更漏乃取銅葉製器狀如連花置盆 酒酣乃哭滿座不樂主人為之能宴此補 人事有可傷者衝軸哭之聞者涕泣當遊太原遇享 一底孔漏水半之則沉每晝夜十二沉為行道之節 脂粉錢 唐衢 補國

乃舉牒云前件官久在相庭頗諳公事幸期佐理勿憚 金坑四库全書 録話 糜賢事須請攝軍事衙推其物 元和初章執誼貶崖州司戸泰軍刺史李甲憐其羈旅 州刺史亦有比錢是一軍將為刺史妻致不亦謬乎 湖南觀察使有夫人脂粉錢者自顏果卿妻始之也柳 卷四百九十七 志南

從事間之成以為帳當矣按光頹居鼎盛文朝處亏藏 指之曰此為某女之匹也即擢升近職仍分財而資之 流言者乎其自已選嘉择諸賢未知乃召一典客小吏 顏 流異光顏以子妻之他日又言之光顏乃謝慕客曰光 必選嘉壻因從容乃盛譽一鄭秀才詞學門閥人韻風 李光顏有大功于時位望通顯有女未適人幕客謂其 禍事當遠害理在避嫌豈敢結强宗固隳本志者敏 健兒也遭逢多難偶立微功豈可妄求名族以掇

長慶中李勒除桂管觀察使表名儒吳武废為副使故 府試官所送進士也言嫉 年七十六家論其精健有常侍李益笑曰趙乃僕為東 金安四尾全書 事副車上任具索難通謝又數日于越場致宴酒酣吳 與大必娶國高求婚王謝者不其遠哉過去夢 長慶初趙宗儒為太常即對郊廟之禮罷相三十餘年 吳武陵 李益 巻四百九十七

副使不知其事憂及于禍是以悲耳為大驚亟命遁使 士送衙司梟首時有衙校水蘭知其不可遂以禮而救 止多遣人衛之南醉極扶歸寢至夜艾而覺聞家人 在衙院無告渤運明早至衙院早詞引過實主上下俱 哭甚悲驚而問馬乃曰昨聞設亭諠課又聞命衙司斬 乃聞婦女于看棚聚觀意甚恥之吳既負氣欲復其辱 乃止臺盤坐寨衣躶露以弱物既被酒見之大怒命衛 /水蘭具啟昨雖奉嚴古未敢水命今副使猶 三年 再已

詩路左佛堂曰崔兒來逐颶風高下視鷹鸇意氣豪自 亦自負科第殊不假貸持之甚急武陵不勝其慣因題 金八口月在一 謂能生千里異黄昏依舊入達高出本 以酹之武陵雖有文華而强悍激許為人所畏又當為 容州部內史脏罪狼籍刺史令廣州幕吏鞫之吏少年 自刻責益相敬時未有監軍於是乃奏水蘭牧于宜州 度為殿中侍御史分司東都牛僧孺以制科剌 章乾度 F 卷四百九十

趙宗儒檢校左僕射為太常卿太常有師子樂備五方 除伊闕尉臺恭乾度不知僧孺授官之本問何色出身 僧孺對曰進士又曰安得入畿僧孺對曰某制策連捷 之色非朝會聘享不作至是中人掌教坊之樂者移牒 生韋殿中固當不知愈及第十有餘年猖狂之名已淌 乔為剌頭僧孺心甚有所討歸以告韓愈愈曰公誠小 ラーニ 章殿中尚不知之子何怪馬照我 趙宗儒 Į 太平等已 t —

寒而宗儒不敢違以狀白宰相宰相以為事任有司其 事不舍與不潔韓曰席不吃不潔太遅人曰何也曰出 名席既物故友人多言曰席無令子弟豈不病陰毒傷 韓愈初貶之制舍人席發為之詞曰早登科第亦有聲 散扶為太子少師雜題氏 取之關白宗儒憂恐不已相座責以懦怯不任事改換 金罗口匠人言 語不當豈不必責詞云亦有聲名耳話録 席夔 卷四百九十七

為孫弘所夷嵇叔夜身死鍾會之口是以魏武戒其子 料為非况漢南尚書高識遠量罕有其比昔主父偃家 在道駐旌信宿酒酣直筆以詩喻之劉承詩意才悟往 くれずき 年改牛文卷因戒子咸佐承雍等曰吾立成人之志豈 錫對客展卷飛筆塗竄其文且曰必先輩期至矣雖拜 謝嘴屬終為快快歷三十餘歲劉轉汝州僧孺鎮漢南 牛僧儒赴舉之秋每為同袍見忽當投贄于補缺劉禹 1.4. 劉禹銀 1 太平海巴

昔年曾乔漢朝臣晚歲空餘老病身初見相如成賦日 猶有當時舊冠劍待公三日拂埃塵牛吟和詩前意稍 解曰三日之事何敢當馬際相三朝主然是移宴竟 後為丞相掃門人追思往事咨嗟父幸喜清光笑語頻 昇沉事且閱轉前見在身珠玉會應成咳睡山川猶覺 露精神莫嫌恃酒輕言語會把文章謁後塵禹錫詩云 孺詩曰粉署為即四十春向來名華更無人休論世上 云吾大忿怒小過失慎勿學馬汝輩修進守中為上也僧

巻四百九十七

之芳安以宗從疎遠也倪既秋試捧笈告遊及留詩 邁且曰魏文酷陳思之學潘岳褒正叔之文貴集一家 **聞客滿頭生又題驚為障子云映水有深意見人無懼心** 首為別滕君得之恨然曰此生必不與此子再相見也 弟則十里之駒也每吟其詩曰白髮不能容相國也同 滕倪告心為詩遠之吉州謁宗人邁邁以吾家鮮士此 てこう いここう 父方整前驅太議 滕邁 太平廣記

字身空老却返樵漁計已遅羽翼凋零飛不得丹霄無 路接瑶池太議溪 家淚欲垂千里未知投足處前程便是聽猿時誤攻文 金はんじたと言 舍開者莫不傷悼馬倪詩曰秋初江上别旌旗故國無 祖于大學之間別異常情倪至秋深逝于商於之 廣記卷四百九十七 卷四百九十七

欽定四庫全書 **本平廣記卷四百九十八** 李宗閔 催度使使 苗躭 李宗関 裴季楊 高宿玉古 宋李昉等 温庭筠 劉禹錫 鄧殿 李回 編

書自得收路必當大用宗閔多方沮之及郊公杜悰入朝 遣專使厚致信好宗閱不受取路江西而過非久德格入 曰何念之深也答曰君揣我何念杜曰得非大戎乎 曰是 交致勢力及位高稍稍相傾及宗関在位德裕為兵部尚 書曰怨則不怨見則無端初德裕與宗閔早相善在中外 相過洛宗閱憂懼多方求厚善者致書一見欲以解分復 即宗閔之黨也時為京兆五日指宗関值宗関深念杜

金牙正屋全書

李德裕在維楊李宗閔在湖州拜賓客分司德裕大懼

四百九十

還報宗門復與楊虞卿議之竟為所隱終致後禍故此 也然何以相救口某則有策顧相公必不能用耳口請言之 淚處落口此大門官也小子豈敢當此薦援寄謝重叠杜 適宗相有意旨令其傳達遂言亞相之拜德格驚喜雙 默然良久曰更思其次曰更有一官亦可平其慊宗閔曰 杜曰大戎有詞學而不由科第若與知舉則必喜矣宗関 何官曰御史大夫曰此即得也郊公再三與約乃馳詣曰 馮宿

曲事北司權貴咸得其權心馬一日晚際中尉封一合 馮宿文宗朝揚歷中外甚有美譽垂入相者數矣又能 中贵者将大拜则必先遗此以為信馬大喜遂以先呈 相國楊嗣復盖常佐其幕也馮又性好華楚鮮潔自夕 送與之開之有結中二項暨甲煎面樂之屬時班行結 入至幕次吏報有按則偽為不知比就果有按謁者捧 有的信即不宜序班欲窮極稱憾之事遂修容易服而 達曙重衣數襲選駭足數疋鞍韉照地無與比馮以既

金安四库全言

百九十

太和初李回任京兆府泰軍主試不送魏養養深街之 大臣之體遂以易之問話堂 會昌中回為刑部侍郎養為御史中丞常與次對官三 曰馬宿之為人似非沉静蕭做方判鹽鐵朕察之煩得 得疾而卒益其夕擬狀將付學士院之時文宗謂近臣 僚之姓名既而大呼曰蕭做馮乃驚仆于地扶而歸第 麻必相也將宣則謁者向殷執敕罄折朗呼所除拜大 李回

於是海之曰建陽相公素與中書相公有除子盍詣之 因亡命至京師技時相訴冤諸相皆不問會亭午想于 槐陰顏色憔悴旁人察其有故私詰之其人具述本志 隸籍者所費不下數十萬其人不悉于杖止恨停廢耳 納既而回怒一衙官决杖勒停建州衙官能庇徭役求 變益懷憤悉後回謫刺建州養大拜回有啓狀養悉不 今日同集於此回應聲曰經頭如今也不送養為之色 數人候對于閣門養曰某項嚴府解蒙明公不送何事 巻四百九十八

洲 同 言記見魏導騎自中書而下其人 姓子女入宅於是為魏極力銀成大街時李已量移 一塵而拜導騎自中對曰建州百姓訴冤魏聞之 司馬終於貶所出被 尾敲鞍子令止及寬狀所論事二十 刺史行次九江遇御史鞫獄却回建陽竟坐貶撫 一野州 周復 問復為從事 **極當賦詩命院中** 常懷文狀即如所誨 餘件第 屬和復 件 倒持 臤

為希古作也丞郎大異之曰今子弟之求名者大半假 斯文也非希古之作也还郎訝而詰之曰此舍弟源峰 初應進士舉以文後丞郎丞郎與之希古乃起而對曰 金吃吃屋住書 力不可拔與同里崔氏相将而敦厚過之希古性迁解 楊希古清春諸楊也明黨連結率相期以死權勢燻灼 簪笏見旗曰来偶以大人往還謬獲一第其實詩賦皆 不能稱嘉之曰質實如是賢於能詩者矣此此問 楊希古 卷四百九十八

作贈看花諸君子詩曰紫陌紅塵拂面來無人不道看 劉禹錫屯田員外左遷朗州司馬凡十年始徵還方春 内逼如厠必散衣無所有然後高展以往出玉 若也如子之用意足以整頓波靡矣性酷嗜佛法常置 其內以身俛地伴僧據其上誦金剛經三遍性又潔淨 僧于第陳列佛像雜以幡葢所謂道場者每凌旦輒 也的袖 劉禹錫 一軸投知於先達靡不私自街耀以為莫我

花回玄都觀裏桃千樹盡是劉郎去後我其詩當日傳 金定匹库全書 於都下有嫉其名者白於執政又誣其有怨憤他日見 予為屯田員外時此觀未有花是歲出收連州至荆南 時室與坐慰甚厚既辭即曰近者新詩未免其累奈何 不數日出為連州刺史禹錫自叙云貞元二十 出收於連州至十四年始為主客郎中重遊玄都荡 , 敗朗州司馬居十年 韶至京師人人皆言有道士手 仙桃滿觀盛如紅霞遂有前篇以志一時之事耳屬 **卷四百九十八** 年

以陷官軍官軍自遠見之乃分頭掩捕因不成列且無 會昌中王師討昭義久未成功賊之遊兵往往散出山 獨來出林 是苔桃花静盡菜花開種桃道士令何在前度劉郎令 上剽掠那沼懷孟又發輕卒數千偽為摩羊散漫山 八字以俟後遊時太和二年三月也詩曰百畝庭中 存唯克葵燕麥動摇於春風耳因再題二 催陣使

俗馬於是短兵接關蹂踐相東凡數十里王師大敗是 動定匹庫 全書 別與制置軍前事宜奏來時宰相陳夷行鄭肅拱點聽 撓依違豈可使賊黨坐至東都即卿今日可為朕晚歸 謂之曰王宰石雄不與朕殺賊頻遣中使促之尚聞逗 月東都及濱上諸州聞之大震咸加備戒嚴都統王室 石雄等皆堅壁自守武宗坐朝不怕召宰臣李德裕等 德裕歸中書即召御史中丞李回具言上意曰中丞 行責我師早見成功慎無違也回刻時受命於是

具名以聞曰令欲以御史中丞李回為惟陣使帝曰可 左執兵如外府列校迎候儀回立馬受起居寒温之 以進俟王宰等至河中界迎候乃行二師至翼城東道 在羣吏躍馬聽命回曰責破賊限狀來二 帥旁行係首俟命回於馬上 帥 而請以六十日破賊過約請行軍中 日李自銀臺戒路有即吏五十導從至於河中緩轡 復前進數步罄折致詞回掉鞭亦不甚顧之禮成 一萬聲曰今日當直令中 令於是二帥し 帥鞠躬派

書侍郎平章事此較 劉稱首以獻功成回復令後六十日由御史中 **丁羣玉既解天禄之任而歸涔陽經二** 古碑無字草羊羊東風近墓吹芳芷落日深上 一親軍而鼓之士交 孤洲北浦雲邊 李羣玉 **丁齊進凡五十八日攻拔潞城梟** 一女明粧尚儼然野廟向江春寂 如黛陽相川又曰黃陵 一妃廟題詩二 灾 鄭前 首

金定匹库全書

卷四百九十

成式素與李為詩酒之友具述此事段因獻之曰不知 莎草春黄陵女兒茜裙新輕舟小楫唱歌去水遠山長 英也二年後當與郎君為雲雨之遊李乃志其所陳俄 愁殺人後又題曰黄陵廟前春已空子規滴血啼松風 足下是虞舜之辟陽侯也羣玉題詩後二年乃逝于洪 而影滅遂禮其神像而去重涉湖嶺至于潯陽太守段 便到秋色踟蹰欲改之乃有二女即見曰兒是娥皇女 不知精與落何處疑是雲行秋色中李自以第二篇春容

喧明時不作稱衙死傲盡公柳歸九泉又曰增話黃陵 温庭筠有詞賦盛名初將從鄉里舉客将江淮間揚子 事今為白日催老無兒女界誰哭到泉臺太藍溪 金定四库全書 費品大怒笞且逐之以故庭筠卒不中第其妹趙嗣之 州段乃為詩哭之曰酒裡詩中三十年縱橫唐突世宣 妻也每以庭筠下第熱切齒于弱一日應有容温氏偶 留後姚弱厚遺之庭筠少年其所得錢帛多為换那所 温庭药 卷四百九十八

苗就進士登第間居洛中有年矣不堪其窮或意為 疾而卒泉子 來通塞可以響下就即命子好掃灑廳事設几焚香東 問客姓氏左右以弱對温氏逐出廳前執品袖大哭弱 殊驚異且持袖牢固不可脱不知所為移時温氏方曰 不由汝致之復大哭久之方得解晶歸情訝竟因此得 年宴遊人之常情奈何笞之迄今無有成遂得 苗躭

之矣又見或微割其魚貨者視之因罵曰乞索兒卒餓 堪益升忽見有以輦棺而回者以其價賤即聞而寢息 金好四庫全書 貨枯魚者至馬躭復專其志而諦聽之其家重連呼之 其訝已徐答曰衣冠道路得病貧不能致他物相與無 其間至洛東門閣者不知其中有人詰其所由來就謂 遂挈魚以入其實無一錢良久方出貨者遅其出固怒 ,耳何滯我之如是那初就當自外遊歸途遇疾甚不 東笏端坐以俟一言所居窮僻久之無所聞日晏有 · 老四百九十八

每屬其人朝自言狀垣付助日姓人饒舌破車饒楔裴 助十分弱飲記而復其盛曰蝙蝠不自見笑他梁上 怪也閣者曰吾守此三十年矣未當見有解語神極後 及京輦諸境每歲新得第者軍列姓名于此動常與親 裴勛容貌么麼而性尤率易與父垣會飲垣令替飛盖 躭終江州刺史出玉 郎十分垣第十一也垣怒笞之慈恩寺連接曲江 裴勛 三年 長

子能婚子當為君展力寧一第耶時殿已择李氏矣其 鄧殿封教之門生初比隨計以孤寒不中第牛蔚兄弟 一金 近四屋 全書 行卷多二女筆跡殿顧已寒賤必能致騰踔私利其言 僧孺之子有氣力且富于財謂殿曰吾有女弟未出門 父常為福建從事官至評事有女二人皆善書殿之所 泉出 識将見其父及諸家榜率多物故謂人曰此皆思録也 鄧厰 卷四百九十八

何為者奴曰夫人將到令某陳之李氏曰吾即妻也又 李氏曰吾父為宰相兄弟皆在郎省縱嫌不能富貴豈 何夫人馬即撫膺大哭頓地牛氏至知其賣已也請見 牛氏居常所閱好慎帳雜物列于庭無間李氏驚曰此 泊到家不敢浅其事明日牛氏奴驅其輜索直入即出 殿給牛氏日吾久不到家請先往俟鄉可乎牛氏許之 許少 Ĭ 嫁處耶其不幸豈唯夫人乎今願 及既登第就牛氏親不日殿挈牛氏而歸將及家 1.1. 太平師記 與夫人同之

盗所得出玉 後果寇又来與元果竄馬其金帛悉藏于地中並為奉 声 金りしたノニー 是黃巢入洛避亂于河陽節度使羅元果請為副使 縱憾于鄧郎寧忍不為二女計即時李氏將列干 女共牽輓其袖而止後嚴以秘書少監分司怪番 廣記卷四百九十 卷四百九十

| してうえんする | 皮日休 | 幸宙 | 畢誠 | 韋保衡 | 崔鉉 | 雜録 | 太平廣記卷四百九十九 | 欽定四庫全書 |
|---------|-----|-----|-----|-------|----|----|------------|--------|
| 太平廣記 | 郭使君 | 王氏子 | 李師望 | 衲衣道人 | 王鐸 | | 九十九宋 | |
| | 李德權 | 劉蜕 | 高駢 | 路羣盧宏正 | 李蠙 | | 李昉等編 | |

T-7-1-2-

而方痘錢鳳瑄既朋黨宏大莫不為盡力甚者出於單微 閥出為陽翟宰甚行及長樂坡賜自盡中使適回遇瑄 加以鼓亦瑄之門生方為宰相遂加誣罔奏馬瑄自左補 公事也相與爭驛聽甚既下欲與宰相書則以已比孟子 之報馬初在瑄雖陳官婚烟假回私事也甚雖府藏乃 **越子流乾符中亦為丞相黃巢亂亦其族物議以為其** 崔鼓元略之子京非參軍盧甚之死鼓之致也時議竟之 オラド 崔鉉 九

濟無限貧民也時程米之制業已行意無敢沮其議者 今江淮不運来但每斗納錢七百鐸曰非計也若于京 米至京水陸脚錢斗計七百京國米價每斗四十議欲 故相晋國公王鐸為丞郎時李駢判度支每年江淮運 崔氏之子亦血其族嗚呼謂天道萬何其明哉出開 國雜米必耗京國之食若運米實關中自江淮至京兼 公出其喉曰補闕此盧甚結喉也瑄殊不懌京城不守 王鐸

附也願先事少接左右可乎即命酒以飲鐸妻李氏疑 金少口屋全書 知之挈一壺家酒詣鐸曰公將登庸矣吾恐不可以攀 故也于是職者乃服鐸之察事矣鐸卒以此大用母母 馬泊韋保衙將欲大拜不能先於恩地將命鐸矣嫡陰 在其後也追路嚴出鎮益失其勢鐸柔弱易制中官愛 李蠙與王鐸進士同年後俱得路當恐鐸之先相而已 都下官雜米果大貴未經自而度支請罷次民無至者 李蠙 卷四百九十九

泉出 鶴口以吾 斯酒為 鴆字即命一大爵自引淌飲之而去 韋保衙欲除裝修為省即時李璋為右丞韋先遣盧望 其堇馬使玄奴傳言於鐸曰一 中意探其可否李曰相公但除不合先問某盧以 相事權設為禮所沮則傷威重因勘章勿除此虚 韋保衡 衲衣道人 身可矣願為妻兒誹贈

之士遊乎南朝高人以蛙鳴及嵩菜勝鼓吹吾視毳褐 金安巴尼人 愈于今之朱紫遠矣語國 立接跡而趨公處其間曾不嫌耻乃譏予與山野有道 臭友生答曰毳褐之外也豈甚銅乳銅乳之臭並肩而 日謂友生曰公好堯楊夫何也吾不知其言適且覺其 唐有士人退朝詣友生見衲衣道人在座不懌而去他 書舍人路羣與給事中盧宏正性相異而相善路清 路羣盧宏正 卷四百九十九

路曰盧六盧六曾莫顧我何也盧曰月限向満家食相 仍日請相庭以圖外任路色惨曰駕肩權門何至于是 くろう 命迎入盧金紫華與意氣軒昂路道服而坐情趣孤潔 将晏入道過新昌第路方于南垣茅亭肆目山雪鹿巾 鶴氅構火命觴以賞嘉致聞盧至大喜曰適我願兮亟 謁之雖所好不同而相親至一日都下大雪路在假盧 高即有制草則就宅視之盧未當請告有客族則就省 瘦古淡未當言市朝盧魁梧富貴未當言山水路日謀 1.4.1 太平街记

之常使人諷令解役為除官反復數四竟不從命乃 之高雅盧之俊邁各盡其性缺史 旦飯冷且欲遐征家饌已食炮炙矣時人聞之以為路 且有定分徒勞爾形家釀稍醇能一醉否儘曰省有急 , 罷我與盧六同食盧振聲曰不可路曰何也盧曰今 誠家本寒微成通初其男尚為太湖縣伍伯誠深耻 侠吾决之路又呼侍兒曰盧六欲去持早來樂糜分 里誠

六十千事例錢尚無敗缺終身優足不審相公欲除何 楊會者微有才用庾氏昆弟念之泊选秉蜀政欲為楊 籍津送入京楊令到任具達誠意伍伯曰某賤人也豈 てこうこ 會除馬長以酹之會曰某之吏役遠近皆知忝冒為官 偽相庾傳素與其從弟疑績曾宰蜀州唐與縣郎吏有 官即楊乃具以聞誠誠亦然其説竟不奪其志也王蜀 有外甥為宰相即楊堅勉之乃曰某每歲秋夏恒相享 除選人楊載為太湖令誠延之相第囑之為舅除其很). L.I. 太平廣記

任于時西川大將嫉其分裂巡屬除通南部於是蠻軍 定邊軍節度認旨允之乃以師望自鳳翔少尹擢領 **叩蜀備知南蠻勇怯遂上書請割西川數州于臨卯建** 雖假職名止除檢校官竟不捨縣役矣母此步 寧掩人口豈可將數千家供侍而博一虚名馬長子後 為近之時鄉豪所道侵軼蜀川戎技實榜不能止過 李師望乃宗屬也自負才能欲以方面為已任因旅遊 李師望

大髡小髡據此寺為寨凌脅州将果叶所言時稱駢好 謂之曰僧徒禮念亦無罪過但以此寺十年後當有秀 間作駢聞命軍候往悉擒械之來晨笞背逐去召將吏 乾符中太尉高縣鎮蜀日因巡邊至資中郡舍於刺史 ハス・ララ こよう 衙對那山頂上有開元佛寺是夜黃昏僧徒禮讚螺順 望亦因此受點馬出 ,數干作亂我故以是厭之其後土人皆髡髮執兵號 高駢 አየር 太平野氾 5

尚有七千堆固無所貪矣帝曰此所謂足穀翁也出 腴積稻如坻皆為滞穗咸通初授嶺南節度使懿宗以 相國章宙善治生江陵府東有别業良田美産最號膏 吉 番禺珠翠之地垂貪泉之戒宙從容奏曰江陵莊積穀 妖術斯亦或然之驗與母言 金ダロアノニ 王氏子 韋宙 卷四百儿十九

能拾一 劉蛇桐廬人早以文學應進士舉其父當戒之曰任汝舉進 俗號王酒胡居于上都巨富納錢三十萬貫助修朱雀 **ラ**ラミ 門僖宗詔令重修安國寺畢親降車輦以設大齋乃扣 京輦自黃巢退後修葺殘毀之處時定州王氏有一兒 一鐘樓連打一百下便于西市運錢十萬入寺出中朝 一千貫文者即打一槌齊罷王酒胡半醉入來逕 ·撞拾錢一萬貫命諸大臣各取意而擊上日有 劉蜕 大平廣池

成通中進士皮日休上書两通其 祭劉氏先德是何人斯以蛇之通人抑有其說時未諭 之思于是乎止臨終亦戒其子如先考之命蜀禮部尚 漁釣自娛竟不知其所適蜕後登華貫出典商於霜露 金少したん 書纂即其息也常為同列言之君子曰名教之家重丧 取窮之與達不望于汝吾沒後慎勿祭祀乃乗扁舟以 到出北夢 皮日休 7 卷四百九十 一請以孟子為學科

人こうう ノチラー 前則一時可知也用于死後則萬世可知也又云孟子 其美者其唯韓愈乎日休字襲美襄陽竟使人幼攻文 首卵翼輔孔道以至于文中子文中子之道曠矣能嗣 孟子為主有能通其義者科選請同明經其二請以韓 必斤子經史聖人之賊也文多不載請廢莊列之書以 愈配饗太學其各曰臣聞聖人之道不過求用用于生 史之降者不過乎子子不異道者孟子也拾是而諸子 其暑云臣間聖人之道不過子經經之降者不過子史 太平廣記

江陵有郭七郎者其家資産甚殷乃楚城富民之首江 十卷皮子三卷人多傳之為錢鏐判官出北夢 伏之官至國子博士寓蘇州與陸龜蒙為文及著文數 郎不可以一日而廢二日謂不以人廢言也舉子咸推 其貌不揚戲之日子之才學甚富其如一日何對日侍 隐於鹿門山號醉吟先生初至場中禮部侍郎鄭愚以 河朔間悉有買客仗其貨買易往來者乾行初年 郭使君

大きりらいます 處于数間茅舍之下囊素湯空旦夕以級針為業生之 其骨肉數日方知弟妹遇兵亂已亡獨母與一二奴婢 獲所有僅五六萬緡生舵悅烟花迷于飲博三數年後 仙芝寇盗里問人物與昔日殊生歸舊居都無舍宇訪 行李問猶有一二千緡縁兹復得蘇息乃傭丹與母赴 者門以白丁易得横州刺史遂次還鄉時清宫新羅王 用過大半是時唐李朝政多那生乃輸數百萬于鬻爵 贾者在京都久無音信郭氏子自往訪之既相遇盡 太平廢記

與往來升船執稍以求衣食永州市人呼為捉稍郭 得疾數日而殞生障惶馳往零陵告州牧州牧為之殯 日夕厄于凍餒生少小素涉于江湖頗熟風水間事遂 藝且復贈遺之既丁憂遂寓居永郡孤且貧又無親識 其餘婢僕生計悉漂于怒浪運明投于僧室母氏以驚 宿于斯結纜于大楠樹下夜半忽大風雨波翻岸崩樹 秋過長沙入湘江次永州北江県有佛寺名兜率是夕 以枕舟舟不勝而沉生與一稍工拽升登岸僅以獲免

柄人皆畏威李徳權者處于左右退通仰奉好豪華求 幸蜀乃從令改扈駕止成都時令孜與陳敬瑄盗專國 嬖馬為左軍使一旦奏授朔方節度使敕下翼日無疾 而死光有子曰德權年二十餘令收遂署劇職會僖皇 京華有李光者不知何許人也以諛传事田令孜令孜 君自是狀貌異昔其篙工之黨無別矣出南楚 1利多船德權以為關節數年之間聚賄干萬官至金 李徳權

金少口屋在書 目之曰看馬李僕射出南楚 李安勢力益慕彼衣食耳尋獲為牧守圉人有識者皆 槽健兒與父相熟忽觀德權念其藍緩邀至私舍安無 通于復州衣衫百結巧食道途有李安者常為復州後 紫光禄大夫檢技右僕射後敬瑄敗為官所捕乃脱身 子遂認以為姪未半載安且死德權遂更名彦思請繼 太平廣記卷四百九十九 卷四百几十九

欽定四庫全書 こうし しこう 太平廣記卷五百 雜録 楊蘧 康義成 韓偓 孟乙 孔緯 乘繼謙 薛昌緒 李克助 太平廣江 振武角抵人 宋李昉等編 姜太師 趙崇 京都儒士 沈尚書妻

多グロエルノーー 令無逸 言曰余昔任兵部侍郎與相國杜が公宗充弘文館直 會國公孔緯入相後言於甥姪曰吾頃任兵部侍郎與 學士判館事暮春留余看牡丹于斯廳內言曰此廳 王晋公鐸充弘文館學士判館事上任後巡廳晋公乃 **未知非** 公慎厚端誠此座猶或庶幾由公而下者惟其事矣 於無 金逸 *મા* 項為灰燼余聞此言心常銘之又語余曰 州乃 緯 刺卵 处子居之止要一 卷 五百 一問今肚麗如此子 rt

也出 放民網事刺史韓建令計以為職奏下二司定罪御史 つくこうらここれり 李克助為大理卿昭宗在華州鄭縣令崔鑾有民告舉 承孔緯入相朝廷大體掃地無餘故緯感昔言而傷時 乃親情耶何不奏克助云神公之政也韓云崔令犯贓 邢臺部奏罪當紋大理寺數月不奏建問李尚書崔令 以吾今日而追念邠公之言得其大概矣是時昭宗纂 李克助 大平野已

膽氣余實有之衆人笑曰必須試然可信之或曰某親 若盛自無所懼可謂丈夫座中有一儒士自娱曰若言 近者京都有數生會宴因說人有勇怯必由膽氣膽氣 華州節度華民我民也李曰華民乃天子之民非公之 をしたしたとう 罪謫顏陽尉古聞 民若爾即鄭縣民乃崔令民也建服其論乃捨崔令之 柰何言我之過也李云 聞公舉放數將及萬矣韓曰我 京都儒士

却歸此人實怯懦者時已向夜繫所東驢别屋奴客並 但暫空耳逐為置酒果燈燭送于此宅中眾曰公更要 懼者我等酹君一局此人曰唯命明日便往實非凶宅 ここう こうこく **纖羅而動此人凛然强起抱剣一揮應手落壁磕然有** 已至三更有月上斜照愈隙見衣架頭有物如鳥鼓翼 何物曰僕有一剣可以自衛請無憂也衆乃出定鎖門 故有宅昔大凶而今已空鎖君能獨宿于此宅一宵不 不得隨遂向問宿了不敢睡唯滅燈抱剣而坐驚怖 1:1: 大半題記

忽有一 聲役寝無音响恐懼既甚亦不敢尋究但把勉坐及更 此人大怕把飯前斫不覺自倒級失手抛落又不敢看 金安正是人 爭之狀衆大感異遂于此壁下尋唯見席帽半破在地 衆大驚呼儒士方悟開門尚自戦慄具說昨宵與物 明諸奴客已開關至問子間但見狗實中血淋漓狼 剱恐此物入來林下路伏更不敢動忽然因睡不覺天 即夜所斫之鳥也乃故情破弊為風所吹如鳥動翼耳 一物上階推門門不開于狗實中出頭氣休休然

級在狗寶側衆又选堂尋如踪乃是所東鹽已斫口家 持稍行曠野會日將夕見道左數百步荒家歸然草間 徐之蕭縣有田民孟乙者善網抓格百無一失偶東暇 絕倒扶持而歸士人驚悸自日方愈出原 唇齒缺破乃是向晓因解頭入狗門遂遭一飯衆大笑 細逕若有人跡遂入之以稍于黑闇之處攬之若有人 捉拽之不得動問爾思耶人耶怪耶魅耶何故執吾稍 孟し

一金 好四庫全書 歸置于複壁中後經赦乃出孟氏以善獵知名飛走之 徧身因伺隙踰獄垣亡命之此死生唯命馬孟哀而將 而不置闇中應曰吾人也乃命出之具以誠告云我姓 李昨為盗被繁竟州軍候街五木備體極楚之處瘡 **屬無得脱者一旦荒塚之中而得叛獄囚以歸聞者皆** 年中左神策軍四軍軍使王十出鎮振武置宴樂 別出玉堂 振武角紙人 卷五百

掩綰衣服握左拳而前魁梧者微笑曰此一指必倒矣 秀才坐于席上忽起告主帥曰某撲得此人主帥頗駭 相次而敵之既岸者俱勝帥及座客稱善久之時有 才徐歩而出題手而登席馬主帥詰之何術也對日頃 其言所請既堅遂許之秀才降階先入厨少頃而出遂 戲既畢乃命角抵有一夫甚點岸自鄰州來此較力軍 (新相逼急展左手示之魁岈者情然而倒合座大笑秀 ,數華驅貌膂力悉不能敵主帥亦壯之遂選三人

金灰四库全書 清峻不為文章號曰無字碑每遇轉官舊例各舉一 自代而崇未當舉人云朝中無可代已者世以此少少 趙崇凝重清介門無雜實慕王濛劉真長之風也標格 判官目親其事出玉堂 在手中此人見之果自倒聊助宴設之歡笑耳有邊岫 年客遊曽于道店逢此人繞近食案跟蹌而倒有同伴 日怕醬見之賴倒其聞而志之適詣設厨求得少暫握 趙崇 卷五百/

又有嫌釁乃馳入請見于帝前具言二公長短帝曰趙 暨兵部侍即王贊為相時梁太祖在京素間崇輕化贊 韓堡天復初入翰林其年冬車駕幸鳳翔堡有扈從之 選乞回臣之命授崇天下幸甚帝甚嘉歎翼日制用崇 須用重德鎮風俗臣座主右僕射趙崇可以副陛下是 功返正初帝面許用堡為相堡奏云陛下運契中與當 瑣出 言北夢 F ! 韓偓 上 早 奏 日

岐王李茂貞霸秦雕也涇州書記薛昌緒為人迁僻禀 識未知誰擬試齊等出機 金ケロアノノー 自天性飛文染翰即不可得之矣與妻相見亦有時必 盧謀身拙為安蛇足報國危曾将虎鬚滿世可能無點 書眼病体看九局暴窓裏日光飛野馬按前筠管長浦 崇乃韓堡薦時堡在側梁王叱之堡奏臣不敢與大臣 争帝曰韓偓出尋詢官入関故堡詩曰手風慵展八行 薛昌緒 卷五百

某以繼嗣事重賴欲上其嘉會必候請而可之及從徑 くろうき 行攀鞍忽記曰傳語書記速請上馬連促之薛在草本 又間梁人入境遂潛師宵道煩懼蜀人之掩襲淫帥臨 帥統衆於天水與蜀人相拒于青泥嶺岐衆迫于輦運 怒使人提上鞍轎捶其馬而逐之尚以物蒙其面云忌 有禮容先命女僕通轉往來數四可之然後東燭造室 至于高談虚論茶果而退或欲詣悼房其禮亦然當曰 下藏身曰傳語太師但請先行今晨是某不樂日戎帥 へええ 太平廢記

失父母從先主征代屢立功熟後繼領數鎮節鉞官至 田人復有何骨肉對曰當被掠之時一妻一男迄今不 極品有掌威夫姜老者事為林數十年姜每入廐見其 蜀有姜太師者失其名許田人也幼年為黄巾所掠亡 日禮不見客此益人妖也秦隴人皆知之問話堂 蕃因泣告夫人乞放歸鄉里夫人曰汝何許人對曰許 小過必笞之如是積年計其數将及數百後老不任鞭 姜太師

遂將金帛車馬迎入宅父子如初姜報撻父之過齊僧 哭密遣人送出剱門之外奏先主曰臣父近自關東來 身有何記驗曰我兒腳心上有一黑子餘不記之姜大 言之及姜歸宅夫人其言姜老欲乞假歸鄉因問得所 數萬終身不捷從者見聞氏 失男女親屬姓名姜大驚疑其父也使人細問之其男 知去處又問其兒小字及妻姓氏行第并房眷近親皆 1:47 大平海口

祖僅獲自免龍德已來止求安活我今入覲亦要當之 後唐莊宗過河荆渚高季目謂其門客梁震曰某事 子亦曾小有笞責忽一日憐其老而詢其姓氏則曰姓 康别語其鄉土親族息角方知是父遂相持而泣聞者 後唐長與中侍衛使康義誠常軍中差人于弘宅充院 小驚異出玉堂 經營四方必不麽我若移 高季昌 人他鎮可為子孫之

雄之料項刻不差宜乎貼厥子孫出北夢 てたう こ これり 有沈尚書失其名常為秦帥親吏其妻狼戾而不謹又 枕無憂乃築西面羅城拒敵之具不三年莊宗不守英 臣誇手抄春秋又監指云我於指頭上得天下則功在 妬忌沈常如在狴牢之中後因閉退挈其妻孥寄于鳳 此行决矣既自闕回謂震曰新主百戰方得河南對敷 一人臣佐何有且遊獵旬日不回中外情何以堪吾高 沈尚書宴 太平廣記

イニダゼ 前之性顧以偕老不日而至其初至頗亦柔和涉自之 後前行復作諸姬婢僕悉鞭善星散良人頭面皆等壁 家信至其妻已離鳳州自至東蜀沈聞之大懼遂白于 沈有布衣之舊呼為兄既至郊迎執手叙其契潤待之 主人及遣人却之其妻致書重設盟誓云自此必改從 如親兄遂特創一第僕馬金帛羯玩無有闕者送姬僕 除筆斷不令歸北沈亦做訴其事無心還家及經年 自往東川遊索意是與怨偶永絕矣華洪鎮東蜀 1 Jule F

悲哉沈之宿有仇乎此五氏 使繫石縋之沈亦不逾旬日魂神失措知怨偶為仇也 以竹竿撥之便隨流來日復在舊端之上如是者三 間之不勝驚悸遂至失神其尸住急流中不去遂使 如是旬日後又作沈因入衙精神沮丧洪知之家遣 破損華洪聞之召沈謂之曰欲為兄殺之如何沈不可 ,提級牵出惟房刃于階下葉戶于潼江然後報沈沈 大手舞 洪

晋將作少監袁繼謙常該頃居青社假一第而處之聞 不去此發 多凶怪昏瞋即不敢出戶庭合門驚懼莫能安寢忽一 打人唇紋齒落安得見耶因大笑此言衛外之地非敗 不覺形于言曰侍即曾見楊朔荔浦山水乎贊曰未曾 山水心常愛之談不容口遠當出入贊門下稍接從容 王贊中朝名士有弘農楊遠者曾至嶺外見楊朔荔浦 つ, うし 税至此就于其地而糜釜尚有餘者故犬以首入空器 擊其腦忽轟然一聲家天驚叶而去益其日莊上人 是夕月色晦視之既久似若狗身而首不能舉遂以過 其怪之尤者遂于窓隙窺之見一物蒼黑色來往庭中 夕間吼聲岩有呼于瓮中者其聲重濁學家怖懼必謂 而不能出也因舉家大笑遂安寝出五堂 太平 ķ